



UNIVERSITÄTS-
BIBLIOTHEK
PADERBORN

Universitätsbibliothek Paderborn

Thomæ A Kempis Canonici Regularis Ord. S. Augustini De Imitatione Christi Libri Quatuor

Thomas <von Kempen>

Coloniæ, 1723

VIII. De cavenda nimia familiaritate.

[urn:nbn:de:hbz:466:1-45773](https://nbn-resolving.org/urn:nbn:de:hbz:466:1-45773)

3. Non te reputes aliis meliorem, ne fortè coram Deo deterior habearis, qui scit, quid est in homine.

Non superbias de operibus bonis: quia aliter sunt iudicia Dei, quàm hominum; cui sæpè displicet, quod hominibus placet.

Si aliquid boni habueris, crede de aliis meliora, ut humilitatem conserues.

Non nocet, si omnibus te supponas: nocet autem plurimum, si vel uni te præponas.

Jugis pax cum humili: in corde autem superbi, zelus & indignatio frequens.

C A P U T VIII.

De cavenda nimia familiaritate.

1. **N**ON omni homini reveles secretuum: sed cum sapiente & timente Deum age causam tuam.

Cum juvenibus & extraneis rarus esto.

Cum divitibus noli blandiri; &
coram

coram magnatibus non libenter appareas.

Cum humilibus & simplicibus, cum devotis & morigeratis, sociare: & quæ ædificationis sunt, pertracta.

Non sis familiaris alicui mulieri; sed in communi, omnes bonas mulieres Deo commenda.

Soli Deo & Angelis ejus opta familiaris esse; & hominum notitiam devita.

2. Charitas habenda est ad omnes, sed familiaritas non expedit.

Quandoque accidit, ut persona ignota, ex bona fama luceat: cujus tamen præsentia oculos intuentium offuscat.

Putamus aliquando aliis placere ex conjunctione nostra; & incipimus magis displicere, ex morum improbitate in nobis considerata.

C A P U T IX.

De obedientia & subjectione.

1. **V**ALDE magnum est, in obedientia stare, & sub Prælato vivere, & sui juris non esse.

Multò